

Statens barnehus

Bearaščoahkkin



Statens barnehus

Mii bovdet du diehtjuohkinčoahkkimii Statens barnehus gos du máná leat politiijat gažadan.



Manin čoahkkin Statens barnehus?

Mii háliidit addit dieđuid dutnje dan birra maid du mánná lea vásihan odne, ovdal go dii deaivvadehpet ja ovttas máhccabehtet ruoktot. Dutnje sáhttá maddái leat dehálaš beassat oaidnit gos du mánná lea leamašan, ja gean son lea deaivan doppe.

Mii diehtit dan, ahte boahtit Statens barnehus ja gažaduvvot sáhttá jierásnuhttit sihke mánáid ja rávisolbmuid. Danne háliidit mii addit didjiide buriid dieđuid dan birra, nu ahte dii, bearašin, sáhttibehtet ipmirdit ja hálddašit dan dili buoremus lági mielde.

Maid galggat dahkat Statens barnehus?



- Don beasat gullat mii leat dáhpáhuvván beaivvi mielde, mot du mánná sáhttá ja lea, vásihan dan beaivvi ja gii lea mieđuštan du máná deike.
- Don beasat diehtit geat leat leamašan searvvis dan áššis.
- Don oaččut bagadallama ja ráđiid mot don sáhtát fas deaivat mánát maŋjil gažadeami.
- Don oaččut oktavuodadieđuid buohkaide geat leat leamašan áššis mielde, ja sáhtát de viidáseappot šiehttat gulahallama mánáidsuodjalusbálvalusain ja Statens barnehus.

Geaid galggat deaivat?

- Politiijadutki
- Mánáidsuodjalusbálvalusa áššemeannudeaddji
- Statens barnehus bargiid



Mii dáhpáhuvvá go boadát Statens barnehus?

Go don boadát Statens barnehus, de doppe deaivvat su gii dutká ášši, Statens barnehus bargiid ja mánáidsuodjalusbálvalusa bargiid.

Álggos oaččut dieđuid politiijadutkis. Go dat dieđut leat muitaluovvon, de guođđá politiijadutki čoahkkima. De joatká mánáidsuodjalusbálvalus ja Statens barnehus diehtujuohkimiin ja mitalit dutnje veháš mot beaivi lea leamašan ja mot du mánná soaitá vásihan dan.

Mánáin leat muhtomin sávaldagat mainnalágiin dilli galgá leat bearrašis maŋŋil dakkár gažadeami. Mánáidsuodjalusbálvalus ja Statens barnehus mitalit veháš dan maid du mánná lea lohkan, ja jus lea dárbu, de sáhttibehtet ráhkadit plána dasa mii galgá dáhpáhuvvat go dii máhccabehtet ruoktot.

Maŋŋil ságastallama mánáidsuodjalusbálvalusain ja Statens barnehus, de mannabehtet sierra vuordinlatnjii gos du mánná lea. De beasat maid oaidnit Statens barnehus eambo.

Loahpas mii doallat oktasaš loahpahančoahkkima mánáin, duinna váhnemiin, mánáidsuodjalusbálvalusain ja Statens barnehus. Maŋŋil loahpahančoahkkima sáhttibehtet vuolgit ruoktot.



Oktavuodádieđut:

Dutki:	
Mánáidsuodjalusbálvalus:	
Stáhta mánáidviessu / Statens barnehus:	



POLITIET



STATENS BARNEHUS
Et tverrfaglig kompetansehus